



和装本

13
403
143



43
403
143



太平御覽卷第九百二十七

羽族部十四

異鳥

鵬

鷺

希有

金翅鳥

意怠

大風

兼兼

世樂

端琦

青鳥

治鳥

木客

惡鳥

鴉

鵬

鳩

鳩

鬼車

不孝鳥

鵬

莊子曰北溟有魚其名爲鯢鯢之大不知幾千里化而爲鳥其名爲鵬鵬背不知幾千里也怒而飛翼若垂天之雲是鳥也海運將徙於南溟南溟者天池也水激三千里搏扶搖而上者九萬里司馬彪注曰扶搖上行風晏子曰景公謂晏子曰天有極大物乎對曰有鵬浮遊雲



新念圖書

此係明治八年八月八日所購以贈

早稻田大學圖書部

背凌蒼天該於天地溲溲乎不知其翻之所在也

幽明錄曰楚文王好獵有一人獻一鷹擊鵬鷁事具鷹門

異類傳曰漢武時西域獻異鷹得鵬鷁東方朔識之

晉書曰賈彪鵬鳥賦序曰余覽張安世鷁鷁賦以其質微

處褻而陋以速害愚以為未若大鵬栖形遐遠自育之全

也此固禍福之機聊賦之云○又曰阮脩大鵬贊曰踰陰

大鵬誕自北溟假精靈鱗神化以生如雲之翼如山之形

海運水擊扶搖上征○又曰習鑿齒詣釋道安值衆僧齊

衆皆捨鉢歛衽唯道安食不輟鑿齒曰大鵬從南來衆鳥

皆戢翼何忽凍老鷁脯脯低頭食

鷁一名天雞

神異經曰北海有大鳥其高千里頭交曰天曾文曰候左

翼文曰鷁右翼文曰勤左足在海北涯右足在海南涯其

毛蒼其喙赤其脚黑名曰天鷁一名鷁勒頭向東止海中

央唯捕鯨魚死則北海水流利不犯觸人不干物或時舉

翼飛其兩羽相切如雷如風驚動天地張茂先曰北海多鯨魚而產子多北

海溢塞故鳥食此魚海不通流

希有

東方朔神異經曰崑崙銅柱有屋梓方百丈上有一鳥名

希有張左翼覆東王公右翼覆西王母一歲再登翼上之

東王公也其喙赤目黃如金其肉苦鹹仙人甘之

符子曰齊景公謂晏子曰寡人既得寶千乘聚萬駟矣方

欲珍懸黎會金玉其得之耶奚若晏嬰曰臣聞琬琰之外

有鳥焉曰金翅民謂為羽豪其為鳥也非龍肺不食非鳳

血不飲其食也常飢而不飽其飲也常渴而弗充生未幾

何天其大年而死金玉之珍非乃為君之患矣
齊書曰初武帝夢金翅鳥下殿庭搏食小龍無數乃飛上天明帝初其夢音驗

莊子曰東海有鳥名意怠進不敢為前退不敢為後食不敢先嘗必取其緒行列不序而人不得害以免於患

淮南子曰堯使羿繳大風於青丘大風鷲鳥在東方一云大風風伯也

兼兼

周書曰成王時巴人獻比翼鳥

爾雅曰南方有比翼鳥焉不比不飛其名曰兼兼郭璞注曰似鳥赤色一目一翼相得乃飛也

山海經曰有鳥其狀如鳧一翼一目相得乃飛名曰蠻北翼

鳥色青赤見則大水史記曰管仲說桓公古之封禪西海致比翼之鳥○瑞應

圖曰王者德及高遠則比翼鳥至一本云王者有孝德則至

博物志曰崇吾之山有鳥焉一足一翼一目相得乃飛名曰鸚鵡見則天下大水

隋海異物志曰世樂鳥五色頭上有冠丹喙赤足有道則見西衣來乘

端琦曰昔平公出朝其鳥環平公不去平公顧謂師曠曰是鳳耶師曠對曰東方有鳥名為端琦憎鳥而愛狐今吾君必衣狐裘以朝乎平公曰然

山海經曰三危之山有三青鳥居青鳥主為西王母取食者別自栖息於此山
 紀年曰穆王十三年西往至于青鳥之所解
 漢武故事曰七月七日上於承華殿齊止中忽有一青鳥
 從西方來集殿前上問東方朔朔曰此西王母欲來也有
 頃西王母至有二青鳥駕依侍王母旁
 又曰鈎弋夫人卒上為起通靈臺常有一青鳥集臺上
 晉中興書曰顏含嫂病困須蟬虵膽不能得含憂歎累日
 忽有一童子持青囊授含乃虵膽也童子化為青鳥飛去
 神仙傳曰東陵聖母廣陵海陵人杜氏妻也學劉綱道遂
 在立亡杜公不信誣言聖母作姦收付獄聖母從窻中飛
 去於是遂近為立廟甚有神效常有一青鳥在祭所人有
 失物者青鳥便飛集物上路無拾遺

晉郭璞青鳥贊曰山名三危青鳥所解往來崑崙王母是
 隸穆王西征旋軫斯地

搜神記曰越地深山有鳥大如鳩青色各曰治鳥穿火樹
 作窠如五六升器口徑數寸周飾以土堊赤白相分狀如
 射侯伐木者見此樹即避之或夜冥不見鳥鳥亦知人不
 見已也鳴曰啾啾上去明日便急上去曰啾啾下去明日
 便宜急下去若不使去但言笑而已可止伐也若有穢惡
 及犯其所止者則虎害之白日見其形鳥形也夜聽其鳴
 亦鳥也時作人形長三尺入澗中取石蟹就人開火炙之
 越人謂此越祝之祖

木客

異物志曰木客鳥大如鵲數十百頭為群飛集有度不與

衆鳥相廁人俗云木客白黃文者謂之君長有翼有綬飛高而正赤者在前面謂之五伯居前正黑者謂之鈐下細色而頰雜者謂之功曹左脅有白帶似鰓囊者謂之主簿長次君後其五曹官屬各有章色廬陵郡東有之

惡鳥

爾雅曰梟鷁

郭璞注曰土梟

鳥少尾長醜爲流粟

史記曰古者天子常以春祠黃帝用一梟

如淳曰漢使東郡送梟五月五日

以其惡鳥故食之

春秋後語曰蘇代謂魏王曰王獨不見夫博之所以貫梟

乎梟博之堅者爲梟楚詞云成便則食不便則止今王曰事

始已行不可更是何言歟王之用智不若梟乎王乃止其行

後漢書曰朱浮與彭寵書曰惜乎弃休令之嘉名造鷁梟

之逆謀

晉書曰張重華爲石季龍所攻重華掃境內使其征南將軍裴恒禦之恒壁于廣武欲以持久樊之張耽舉主簿謝艾兼資文武必能折衝禦侮殲凶類重華召艾艾曰昔耿弇不欲以賊遺君父黃權願以萬人當寇乞假臣兵七千爲殿下吞王擢麻秋等重華大悅以艾爲中堅將軍配步騎五千擊秋引師出振武夜有二梟鳴於牙中艾曰梟邀也六博得梟者勝今梟鳴牙中尅敵之兆於是進戰大破之斬首五千級

又載記曰乞伏乾歸略于五谿有梟集于其手甚惡之六年爲兄子公府所弒并其諸子十餘人

北史李元忠性甚工彈嘗從文襄入謁魏帝有梟鳴殿下文襄命元忠彈之問得幾丸而落對曰一九承大將軍意

氣兩九足矣如其言而落之

唐書曰有梟晨鳴於張率更庭樹其妻以為不祥連唾之
文收云急灑掃吾當改官言未畢賀者已在門

淮南子曰白公之齎財若梟之愛其子也許慎曰梟子
大食其母也

淮南萬畢術曰甑瓦止梟鳴取破甑瓦向抵之輒
自止物相勝其性耳

魯連子曰齊辯士田巴毀五帝罪三王離堅白合同異一

日服千人有徐劫者弟子曰魯仲連年十二號千金駒往

謂田巴曰臣聞白刃交前者不救流矢急不暇救援也今

楚軍南陽趙伐高唐燕人十萬守聊城國之危在旦夕先

生奈何不能知者先生之言有似梟鳴出聲而人惡之願

先生勿復言田巴曰謹聞命矣

說苑曰齊景公為露寢之臺成而不通焉柏常騫曰為臺

甚急臺成君何為不通焉公曰然梟昔鳴梟鳴者其聲燕

不為也吾惡之甚是以不通焉柏常騫曰臣請禳而去之

公曰何其對曰築新室為置白茅焉公使為室成置白茅

焉柏常騫儀用事明日問公曰今日聞梟聲乎公曰一鳴

而不復聞使人往視之梟當陛布翼伏地而死

又曰梟逢鳩鳩曰子安之梟曰我將東徙鳩曰何故梟曰

一鄉皆惡我鳴故徙也鳩曰更鳴則可不更鳴東徙亦惡

子之聲

栢譚新論曰王翁時男子畢康殺其母詔焚燒其屍暴其

罪於天下余上封章言宣帝時公卿朝會丞相語次日聞

梟生子長且食其母寧然有賢者應曰但聞烏子反哺耳

丞相大慙君子之於鳥獸尚為之諱況人乎

又曰余前為典樂大夫有梟鳴於庭樹府中皆懼余後與

典謝侯爭鬪俱坐免

說文曰梟不孝鳥也至日捕梟磔之

趙壹解擯賦曰甑瓦可以令梟寂

嶺表錄異曰北方梟鳴人家以為恠共惡之南中晝夜飛

鳴與鳥鵲無異桂林人羅取生鬻之家家養使捕鼠以為

勝狸

禮記內則曰鴝鴒

毛詩曰莫門有梅有鴝萃止夫也不良歌以訊之

又曰翩彼飛鴝集于泮林食我桑椹懷我好音

又詩義疏曰鴝大如鳩綠色惡聲鳥也入人家凶賈誼所

賦是也其肉甚美可為羹臠又可炙漢供御物各隨其時

唯鴝冬夏施以美故也

莊子曰見郊而求時夜見彈而求鴝炙

魏志曰夫鴝天下賤鳥也及其在林食椹則懷我好音

晉書曰王羲之好鴝炙

三國典略曰齊太上主武成之長子也母曰胡太后夢於

海上坐玉盆日人褰下遂有娠生於并州其日有鴝鳴於

產帳之上

盛弘之荆州記曰巫縣有鳥如雌雞其名為鴝

廣志曰鴝楚鳩所生如驢巨靈種類不滋乳也

西京雜記曰賈誼在長沙鵬鳥集其承塵而鳴長沙俗以

為鵬至人家主人當死誼作鵬鳥賦齊死生等榮辱以遣

憂累焉

賈誼鵬鳥賦曰誼為長沙王傅三年有鵬鳥飛入舍止于

坐隅鵬似鴝不祥鳥也誼既謫居長沙長沙卑濕自傷悼

以為壽不長為賦以自廣
漢太常孔臧仲尼之後以才學知名作鵙賦曰季夏庚子
思道靜居爰有飛鵙集我室隅異物之來吉凶是符昔在
賈生有識之士忌茲鵙鳥卒用喪已咨我令考信道秉真
變怪生家謂之天神脩德滅邪化及其鄰○梅陶鵙鳥賦
序曰余既遭王勃之難遂見忌錄居于武昌其秋有野鳥
入室感賈誼鵙鳥依而作焉
神仙傳曰尹軌字公度人有怪鳥鳴其屋上者以語公度
公度為一奏符著鳥鳴處其夕鳥伏符下死

鵙鵙

爾雅曰鵙鵙郭璞注曰江東呼鵙鵙為
纂文曰鵙鵙一名忌欺白日不見人夜能拾蚤虱也蚤爪
音相近俗人云鵙鵙拾人弃爪相其吉凶妄說也

博物志曰鵙鵙一名鷓鴣晝日無所見夜則目至明人截
爪甲弃露地此鳥夜至人家拾取爪分別視之則知有吉
凶凶者輒便鳴其家有殃

莊子曰鵙鵙夜撮蚤察毫末晝瞑目不見丘山殊性也

淮南萬畢術曰鷓鴣致鳥取鷓鴣折其大羽絳其兩足

南史曰侯景入臺城在昭陽殿廊下居處常有鵙鵙鳥鳴

呼景惡之使人窮山野捕焉

三國典略曰侯景矯豫章嗣王棟命禪位於己將拜受冊

命忽有丹鷓鵒集於冊書又夜有鵙鵙鳴於太極殿上景

深以為惡自控弦伺之

廣雅曰鵙鳥雄曰運日雌曰陰諧

東觀漢記曰公孫述欲徵李業為博士業故不起乃遣人

持鳩不起便賜藥業乃飲鳩而死士業為不飲代舉人
晉中興書曰烈宗詔曰飲飛督王饒忽上吾鳩鳥一口云
以辟惡此凶物豈宜妄進於是鞭饒二百使殿中侍御史
孫雲臨於四衢之道焚燒之

晉書曰石崇出為南中郎將荊州刺史領南蠻校尉加鷹
揚將軍崇在南中得鳩鳥雛以與後軍將軍王愷時制鳩
鳥不得過江為司隸校尉傅祗所糾詔原之燒鳩於都街

山海經曰女几之山琴鼓之山玉山豐山岷山其鳥多鳩

郭璞注曰鳩大如鸚鵡紫
喙色赤紫食地蝮也

淮南子曰運日知晏陰諧知雨

吳氏本草曰運日一名羽鳩

神農本草曰鳩生南郡大毒入五藏爛殺人

鬼車

荆楚歲時記曰正月七日多鬼車鳥度家家搥門打戶搥
狗耳滅燭燈襪之玄中記云此鳥名姑獲一名天帝少女
夜遊好取人家女人養之有小兒以血點其衣為驗
嶺表錄異曰有鳥如鴉鷂又名鬼車春夏之間稍遇陰晦
則飛鳴而過嶺外尤多愛入人家鑿人魂氣或云九首曾
為犬醫下一首常滴血血滴之家即有凶咎
三國典略曰齊後園有九頭鳥見色赤似鴨而九頭皆鳴
玄中記曰姑獲鳥夜飛晝藏蓋鬼神類衣毛為鳥脫毛為
女人名為天帝少女一名夜行遊女一名鈞星一名隱飛
鳥無子喜取人子養之以為子人養小兒不可露其衣此
鳥度即取見也荆州為多昔豫章男子見田中有六七女
人不知是鳥扶匍往先得其所解毛衣取藏之即往就諸
鳥各走就毛衣衣此飛去一鳥獨不得去男子取以為婦

太平御覽卷第九百二十七
生三女其母後使女問父取衣在積稻下得之衣之而飛去後以衣迎三女三女兒得衣飛去今謂之鬼車

不孝鳥

神異經曰不孝鳥狀如人身犬毛有齒猶牙額上有文曰不孝口下有文曰不慈鼻上有文曰不道左脅有文曰愛夫右脅有文曰憐姑故天立此異鳥以顯忠孝也

太平御覽卷第九百二十七

太平御覽卷第九百二十八
羽族部十五

衆鳥

鳥卵

鳥巢

異物志曰錦鳥文如丹地錦而藻纘相交俗人見其似錦因謂之錦鳥形微大於雉其雌特有文章五色甚可愛

周氏雜字曰鸚鵡鳥似鳧

風土記曰鸚鵡屬飛則鳴其翅蕭蕭者也

楚辭曰鴻鵠代游曼鸚鵡曼曼行也

風土記曰鸞鴨也以名自呼大如小雞生於荷葉上

爾雅曰鸞鵠輻蹂也如鵠短尾射之銜矢射人郭璞注云一名墮羿

河圖謠徵祥曰鳥一足曰獨立見則主勇強也
廣州記曰新寧縣有獨足鳥大如鵠其色蒼其鳴自呼獨

足獸... 臨海異物志曰東垂有一足鳥俗名曰獨足疑是商羊文
身赤口唯食蟲豸不害稻梁鳴如人嘯聲將雨轉鳴或曰
山譟鳥晝伏夜翔或時晝出則羣鳥譟之

山海經曰有五采之鳥有冠名曰狂鳥

孔融周歲論曰儀鳳屯集狂鳥穢之

爾雅曰鷓鴣老

郭璞注曰鷓鴣也俗謂之處

鳥鷓音丑眷切鷓音巨之切

說文曰欺老鷓也

左思蜀都賦曰鷺鷥山栖

鷺鷥母遂注曰鷺鷥鳥名如今山

莊子曰周周銜羽以濟河

司馬彪注周河上鳥也頭重

尾輕足以銜他鳥羽而飛過河

人之不可求益於

物以補其所短也

竺法真登羅山疏曰越王鳥狀似鷺口句末可受二升許

南人以爲酒器珎於文螺不踐地不飲江湖不啜百草不

餌蟲魚唯啜木葉糞似董陸香山人遇之既以爲香又治

雜瘡

南方草物志曰有鳥或名越王鳥大如孔雀喙長尺八九

寸黃白黑色狀如人畫光飾似漆瑩磨尤益鮮明多持以

飲酒出交趾九真

劉欣期交州記曰鷺鷥黃喙二尺餘南人以爲酒爵

南越志曰鷺鷥一名越王鳥

嶺南錄異曰越王鳥如鳥而頸足長頭有黃冠如杯用貯

水手相飲食衆鳥雛取其冠堅緻可爲酒杯

竺法真登羅山疏曰五距鳥足有重距其音先顧或謂之

先顧鳥似孔雀背連錢文

遊名山記曰芙蓉山有異鳥愛形顧影不自藏故爲羅者

所得人謂鷓鴣

廣州記曰廣寧縣有金鳥純白口腳如金其鳴自呼
異物志曰鴈鳥大如雄雞色赤或黑而能鳴彈射取之其
肉香美中作炙

盛弘之荊州記曰魚復縣南山有鳥時吐物長數寸丹朱
彪炳形色類綬因名吐綬鳥

又曰晉太元中營道令何諧之於縣內得一鳥大如白鷺
膝上及髀有銅環貫之環大小刻鏤如橄欖子妙絕人工
于時京師皆觀之

嶺表錄異曰有鳥形如野鵲翅羽黃綠間錯尾生兩枝長
二尺餘直而不裊唯尾稍有毛宛如箭羽因目之為帶箭
鳥

爾雅曰鳥鼠同穴其鳥為餘其鼠為鼯郭璞注曰鼯如八
而小色黃黑穴入地三四尺鼠在內
鳥在外今西在隴西鳥鼠同穴山中

臨海異物志曰江湖海鳥大於鸛喙長八寸潮上即鳴

又曰鵲鴛鳥海鳥也喙長八寸天欲風雨內喙於土中向
海師以為候鳴如嘯

又曰蜜蜂小鳥也色黑正月且為蜜蜂周行諸山求安處
蜂隨之蜜蜂暮還入蜂中

郭璞蜜蜂賦曰大君以總群氏又協氣於零雀每先馳而
葺宇番巖穴之經略蜜蜂一
名零雀

爾雅曰鳩水狗鳩音
立○又曰鵠頭鳩孫炎曰
魚鳩也

又曰突鷲鳥孫炎曰鷲
鷲水鳥

又曰鷓蜩母也
廣志曰蚊母吐蚊大如鳩
嶺南異物志曰五嶺溪山深處有大鳥如鷓鴣常吐蚊子
輒從口中飛去謂之吐蚊鳥

說文曰鷓水鳥也

南方草物狀曰孔貫如小母雞

臨海異物志曰獨春鳥聲似春聲聲多者五穀傷聲小者

五穀熟

又曰契鳥蘭草占米之貴賤背迴契其莖契一度即斛米

百錢再度二百未契仍五十隨契多少以占知之

爾雅曰鷺唐屠郭璞注曰似鳥蒼白色

臨海異物志曰鷓雉鳴聲哀俗云繼母欲嫁因繫使人守

之母遂不還兒因呼母言鷓鳴也

又曰遊鳥如鵝大其色黑以青絲頭繫竹竿呼之即來入

手俗言是東海神所養不可食也

臨海異物志曰獨姪鳥如隼其色黑其鳴如人呼雞聲

爾雅曰鷓天鷓也

南方草物狀曰金吉鳥其大如小母雞

臨海異物志曰有鳥耀儀名曰苦姑

又曰除溪鳥小如鷓鷯甚黑天欲陰雨即鳴音言溪瀆

又曰祖端端小鳥天欲雨即鳴

抱朴子曰千秋鳥人面壽如其名

魯連子曰南方鳥名曰邽生而食其翼

南方草物狀曰羽鳥毛羽青黑色小於鳩

俞益期與韓豫章賤曰林邑有鳥歸飛。臨海異物志曰

賓師形大如鷓鷯毛正黑色。廣雅曰車攝鷓禮也

山海經曰基山有鳥焉名鷓鷯食之無卧

又曰北海蛇山有五采鳥飛蔽一鄉名曰翳鳥

又曰青丘有鳥其狀如鳩名曰灌灌

又曰禱過之山有鳥二足三面名瞿如

又曰松果山有鳥名曰鳩渠而食其
 又曰正申山鳥名當扈狀如雉食之不响目
 又曰符遇之山其鳥名鴟可以衛火
 又曰英山有鳥狀如鶉食之已癘名曰肥遺
 又曰幸塗山有鳥名曰數斯食之已瘰
 又曰崑崙丘有鳥名曰欽原蠹獸則死蠹木則枯
 又曰灌題山有鳥見人則躍名曰踈斯
 又曰梁渠之山有鳥名曰囂食之已腹痛可以止衝下也
 又曰陽山有鳥自為牝牡名曰象蛇
 又曰鹿山有鳥名曰領鸚鈴要其鳴自呼服之不昧
 又曰并陽山有鳥名曰馱鷄兩音可以衛火
 又曰翼望山有鳥狀如鳥三首六尾其名曰鵠鷄倚餘服
 之使人不昧又以禦凶

又曰青要山有鳥名曰𪗇音窈窕狀如鳥青身而朱目赤
 尾食之宜子
 又曰攻離山有鳥名曰嬰勺其狀如鵲赤喙白身其尾若
 勺似酒其鳴自呼
 又曰鳥名青耕可以禦疫
 又曰天帝山有鳥其狀如鶉黑文而赤翁翁頰下毛名曰櫟食
 之已痔
 又曰夢山有鳥名鷓音其形如鵠而兩首四足
 又曰北嶽山有鳥狀如人面名曰鷲鷲夜飛而晝伏
 又曰太行山有鳥焉其狀如鵲白身赤尾六足其名鷓音
 又曰馬賊山有鳥狀如鳥白首而身黃足其名曰鵬居食
 之不飢

又曰號山有鳥名寓狀如鼠

又曰夢聯之山有鳥羣居而朋飛其毛如雌雉名曰鳩鳥音交或作獨

又曰畢張山有鳥狀如雉而文首白翼黃足名曰白鵠音夜

食之已噎音噎

又曰小侯山有鳥其狀如鳥而白文名曰鵠音鵠

又曰北號山有鳥其狀如鷄而白首鼠足虎爪名曰魁雀

食人音食

又曰瑜次山有鳥狀如梟人面而一足名曰橐音冬夏

蟄服之不畏雷音其毛羽令

又曰山鳥音鳥

左傳哀公下日子西曰勝如卵余翼而張之。漢書曰武帝

時大宛諸國獻大鳥卵應劭曰如二石食條支國有大鳥卵如食

魏志曰清河令徐孝龍取十三種物着篋中使管輅射之

先說雞子後謂蠶蛹遂一一名之

吳志曰孫權太子嘗嘲諸葛恪曰元遜何不食馬矢恪曰

願太子食雞卵權曰人令卿食馬矢卿使人食雞卵何也

恪曰所出同耳權大笑

晉書曰戴安道少時取雞卵汁溲白瓦屑作鄭玄碑文手

刻字文既綺藻器亦妙絕

唐書武德中西蕃突厥葉護可汗遣使貢條支巨卵二

又曰貞觀二十一年西蕃吐陸可汗獻金卵瓶鳥鶯也彫

刻作禽獸而塗以黃金

山海經曰西王母山有汲民國鳳卵是食甘露是飲

韓詩外傳曰卵之性為雛不得良雞大育積日累久則不

成爲雛

管子曰子夏云彫卵然後滿之所謂發積藏散萬物

墨子曰以他言非吾者猶以卵投石也盡天下之卵石猶不毀也

孫卿子曰以桀詐桀則幸詐堯譬若以卵投石

又曰卵有毛是說之難持者也而惠施鄧析能精之然而長者不貴非禮義之中也

淮南子曰越雞不能伏鶴卵

又曰鴈北向鵠始加巢雉鳴呼卵

淮南萬畢術曰艾火令雞子飛取雞子去其汁燃艾火內空卵中疾風因舉之飛

鹽之累卵取鹽塗卵取也卵置上即累矣

抱朴子曰夏后始衰食鳳卵而鳳去如此則鳳有種矣

揚子法言曰雌之不才其卵段君之才其民野也段敗不屆

其意不累其身不夷不惠可否之間

神仙傳曰有人病就茅君請福煮雞子十枚以內帳中須
史茅君悉擲出其中無黃者並差有黃者不愈常以此為
候

阮藉大人先生傳曰若先生者以天地如卵耶小物細人

欲論其長短議其是非豈不哀哉○博物志曰九竅者胎

生八竅者卵生龜鼃諸此類皆卵生而影伏

幽明錄曰桂陽羅君章二十許都未有志不屬意學問常

晝寢夢得一鳥卵五色雜耀不似人閒物夢中因取吞之

於是漸有志向遂更勤學讀九經以清才聞

羅含傳云吞飛鳥卵

吳氏本草曰丹雞卵可作虎珀

張衡南都賦曰春卵夏笋
張孟陽洛襖賦曰浮素卵以蔽水洒玄醪於中河

尚書大傳曰古人鳳皇巢其樹好生惡殺
說文曰鳥在木上曰巢在穴曰窠

曾子曰鷹鷂以太山為下而增巢其上

孫卿子曰古之王者鳥鵲之巢可俯窺

莊子曰古者禽獸多而人民少於是民皆巢居以避之晝

拾橡栗暮栖木上故命之曰有巢氏之民

又曰鵲上高城之墉而巢於高枝之顛城壞陵風而起

又曰至德之君鳥鵲之巢可攀援而窺

淮南子曰鵲巢知風之所起

陸賈新語曰堯以仁義為巢舜以稷禹為杖秦以刑罰為

巢故有覆巢破卵之患

太平御覽卷第九百二十八

太平御覽卷第九百二十九

鱗介部一

龍上

河圖曰舜以太尉即位與三公臨觀黃龍五采負圖出置

舜前以黃玉為押白玉檢黃金繩黃芝為泥章曰黃帝符

璽春秋運

又曰黃金千歲生黃龍青金千歲生青龍赤金千歲生赤

龍白金十歲生白龍玄金千歲生玄龍

又曰黃龍從維水出諸虞舜鱗甲成字舜令寫之寫晉去

星經曰東方七宿為蒼龍凡有鱗之類皆屬於

歸藏明夷曰昔夏后啓土乘龍飛以登于天阜陶占之日

吉。周易乾卦曰雲行雨施品物流形時乘六龍

又坤卦曰龍戰于野其血玄黃

又文言曰雲從龍

又說卦曰震為龍

易通卦驗曰立夏清風至而龍昇天

尚書中候曰黃龍負卷舒圖

又曰青龍銜玄圖

大戴禮公冠曰鱗蟲三百六十而龍為之長

禮記禮運曰龜龍在宮沼龍以為畜故魚鮪不淪淪潛藏也

禮含文嘉曰龍馬金玉帝王之瑞也

左傳昭五日鄭大水龍鬪于時門之外洧淵國人請為祭

焉子產不許曰我鬪龍不我覲也龍鬪我獨何覲焉禳之

則彼其室也吾無求於龍龍亦無求於我乃止

又昭七日秋龍見於絳郊魏獻子問於蔡墨曰吾聞之蟲

莫智於龍以其不生得也謂之智信乎對曰人實不智非

龍實智言人實不智而謂之智古者畜龍故國有豢龍氏

有御龍氏豢養也昔有颺叔安颺古國也叔安其君名也有裔子曰董父

裔遠也實甚好龍能求其嗜欲以飲食之龍多歸之

乃擾裔龍以服事帝舜帝賜之姓曰董氏曰豢龍故帝舜

氏世有畜龍氏及有夏孔甲擾于有帝帝賜之乘龍河漢

各二各有雌雄孔甲不能食而未獲豢龍氏有陶唐氏既

衰其後有劉累學擾龍于豢龍氏以事孔甲能飲食之夏

后嘉之賜氏曰御龍以更豕韋之後龍一雌死潛醢以食

矣故龍不生得。春秋元命苞曰龍之言萌也陰中之陽

故言龍舉而雲興

史記曰昔夏后氏之衰有神龍三止於夏帝庭而言曰余

褒之二君也夏帝卜殺之徙去之與止之莫吉卜請其瘞

故言龍舉而雲興

而藏之吉

又曰黃帝得土德黃龍見夏得木德青龍止於郊
漢書曰惠帝二年正月兩龍見蘭陵人家井中又曰文帝
時公孫臣以爲漢土德黃龍見張蒼以爲水德至十五年
黃龍見成紀下詔召臣爲博士

東觀漢記曰公孫述有龍出其府殿中夜有光耀述以爲
符瑞因稱尊號改元曰龍興○後漢書曰哀牢夷其先有
婦人捕魚水中觸沉木有孕生男子十人沉木化爲龍出
水上九男驚走一兒不去背龍因舐之後諸兒推爲哀牢
主○魏志曰華歆邴原管寧三人爲友號曰一龍歆爲龍
頭原爲龍腹寧爲龍尾

魏略曰文帝欲授禪郡國奏黃龍十三見明帝鑄銅黃龍
高四丈置殿前

晉書曰劉毅爲尚書左僕射時龍見武庫井中帝親觀之
有喜色百官將賀毅獨曰昔龍降鄭時門之外子產不賀
龍降夏庭沫流不禁卜藏其糝至周幽王禍釁乃發易稱
潛龍勿用陽在下也證據舊典無賀龍之禮
又曰陸機嘗餉張華鮓于時賓客滿座華發器便曰此龍
肉也衆未之信華曰試以苦酒濯之必有異旣而五色光
起機還問鮓主果云園中茅積下得一白魚質狀殊常以
作鮓過美故以相獻

崔鴻十六國春秋前燕錄曰慕容晃十二年夏四月黑龍
一白龍一見於龍山晃親帥羣僚觀龍二百餘步祭之以
大牢二龍交首嬉翔解角而去晃大悅還宮殿赦其境內
號新宮曰和龍宮

晉書曰苻生初夢大魚食蒲又長安謠曰東海大魚化作

龍男便爲王女爲公問在何所洛城東時苻堅爲龍驤將軍弟在洛門之東其後果驗

又曰呂光伐龜茲軍其城南營外夜有一黑物大如斷堤搖動有頭角目光若電及明而雲霧四周遂不復見且視其處南北五里東西三十餘步鱗甲隱地之所昭然猶在光嘆曰黑龍也俄而雲起西北暴雨滅其跡杜進言於光曰龍者獸之君大人利見之象易曰見龍在田德施普也斯誠明將軍道合靈和德符幽契願將軍勉之以成大慶光有喜色

又曰馮跋弟素弗與從兄萬泥及諸少年遊于水濱有一金龍浮水而下素弗謂萬泥曰頗有見不萬泥等皆曰無所見也乃取龍而示之咸以爲非常之瑞又曰雷煥子華度襄水劍躍入水化爲龍

又曰初栢温南州起齋悉畫龍於其上號曰盤龍齋及玄纂而劉毅字希樂討玄死於盤龍齋而毅居之

沈約宋書曰劉穆之字道和嘗夢與高祖俱泛海忽值大風驚懼俯視船下見有二白龍挾船既而至士山峯嶸聳秀林樹繁密意甚怖之

宋書曰徐羨之嘗從兄履之爲臨海樂安縣嘗行經山中見黑龍長丈餘頭有角前兩足背具無後足曳尾而行後文帝立羨之貴以凶終

又曰傅亮率行臺迎宜都王王舟輿發自江陵中流有黑龍躍出負王舟左右失色王顧長史王曇首曰此大禹所以受天命吾何德以堪之

齊書曰建武中荆大風雨龍入柏齋中柱壁上有爪足處刺史蕭遙欣恐畏不敢居也

又曰初武帝多金翅鳥下殿庭搏食小龍無數乃飛上天
明帝初宗室夢遇害其夢竟驗
梁書曰武帝邠后素妬忌及終化爲龍入于後宮井通夢
於帝或見形光彩照灼帝體將不安龍輒激水騰涌於是
井上爲殿衣服委積
南史曰梁江陵城壕中有龍騰出煥爛五色竦躍入雲六
七小龍相隨飛去羣魚騰躍墜死於道龍出處爲窟若數
百斛圖音
三國典略曰陸法和拒任約至安南入赤亭湖法和乘輕
舟不介胄泅流而下去約軍一里乃還謂將士曰彼龍睡
不動吾軍之龍其能踊躍若待明日攻之當不損容而自
破賊
陳書曰隋師濟江荊州呂肅敗後別師廖世寵領大舫詐

降欲燒隋艦更決死一戰於是有五黃龍備色象各長十
餘丈驥首連接順流而東風浪大起雲霧晦冥陳人震駭
不覺火自焚故隋文下詔以告郊廟

又曰宣帝初在江陵軍主李總與帝有舊每同遊處帝嘗
夜被酒張燈而寐總適出尋反乃見帝是大龍便驚走他
室

後魏書曰波知國有三池傳云大池有龍王次者龍婦小
者龍子行人設祭乃得過不祭多遇風雪

又曰正元元年有黑龍如狗南走宣陽門躍穿門樓下而
出此魏衰之徵也

後周書曰大象中滎州有黑龍見與赤龍鬪於汴水之側
黑龍死

隋書曰源師初在齊遷在外兵郎中又攝祠部屬孟夏以

龍見請雩時高阿那肱為相謂真龍出大驚喜問龍所在
師整容報曰此是龍星初見依禮當雩祭郊壇非謂真龍
也

唐書曰貞觀中汾州言青龍白龍見白龍吐物初在空中
有光如火至地陷入二尺掘之則玄金也形圓斜廣尺餘
高六七寸

又曰先天中玄宗以旱親往龍首池祈禱有赤虵自池中
而出雲霧四布應時澍雨

又曰褚無量字弘度杭州鹽官人幼孤貧勵志好學家近
臨平湖湖中有龍鬪傾里問就觀之無量時年十三讀書
晏然不動及長精三禮及史記

又曰文宗太和二年五龍會於密州禪產山之北次第而
至五方之色具焉自申及戌而沒

後唐史曰莊宗時五臺僧誠惠自號降龍師帝雅重之每
屈膝施坐諸王嬪御皆為之拜誠惠悉倨坐而受之初自
臺山謁帝鎮州王鎔不為之禮誠惠恚怒曰吾有毒龍五
百宜勞于命一龍揭片石常山其為沼乎踰年而滹川大
溢敗鎮之郭或聞其言益以為神繇是帝敬之愈篤
周史曰徐州豐縣民單興井中龍出民有子母三人同觀
之即時皆卒龍既出澍雨漂沫城內居民濟之以棧登城
以避水

管子曰龍被五色而遊故神欲小則如蠶蠋欲大則函天
地欲上則陵雲欲沈則伏泉
又曰蛟龍水蟲之神者也乘水則神立失水則神廢
墨子曰墨子北之齊遇日者日帝以今日殺黑龍於北方
先生色黑不可以北

又曰帝以甲乙殺青龍於東方丙丁殺赤龍於南方庚辛殺白龍於西方壬癸殺黑龍於北方若川子言則禁天下之行也
孫卿子曰積土成山風雨興焉積水成川蛟龍生焉
 莊子曰朱泮漫學屠龍於支離益殫千金之家三年伎成而無所用其巧也

又曰子張見魯哀公哀公不禮託僕大夫而去曰君之好士也有似葉公子高之好龍也葉公好龍室屋彫文畫以寫龍於是天龍聞而下之窺頭於牖拖尾於堂葉公見之奔而遠走失其魂魄五色無主是葉公非好龍也好夫似龍而非真今君非好士也好夫似士而非者也
新序
 又曰孔子見老聃歸三日不談弟子問曰夫子見老聃亦得何規哉孔子曰吾乃今於是乎見龍龍合而成體散而

成章乘乎雲氣養乎陰陽余口張而不能嚼子又何規者
 聃哉

又曰河上有家貧恃緯蕭而食者其子沒淵得千金之珠歸與其父其父謂其子曰取石來鍛破也夫千金之珠必在九重之淵而驪龍領下子能得珠者必遭其睡也如使驪龍悟子尚奚微之有哉

韓子曰夫龍之為蟲有狎而騎也然喉下有逆鱗徑尺若嬰之則殺人人主亦有之說者能無嬰人主之逆鱗則幾矣

淮南子曰人莫欲學御龍而皆欲學御馬莫欲學治鬼而皆欲學治人急所用也
御龍治鬼不益世用故以御馬治人為務矣

又曰伯益作井而龍登玄雲神棲崑崙
伯益夏禹之佐也初鑿井泄地氣以
後必澆池而漁故龍登玄雲神棲崑崙
 知愈多而德愈薄矣
崑崙一日龍在黃泉下恐害及故去之

又曰夫騰虵游霧而騰龍乘雲而舉

又曰虎嘯而谷風生虎陰中陽獸也與風同類龍舉而景雲屬龍陽中陰蟲也

與雲同類

又曰人不見龍之飛舉而能高者風雨之奉也奉助也

又曰燭龍在鴈門北岐于委羽之山不見日其神人面龍

身而無足不見日故龍以日照之蓋長千里視為晝暝為夜吹為冬呼為夏

新言曰漢祖驂三龍而乘雲路振長策而驅天下三龍人

傑

又曰龍潛之水乘雲躍鱗虎嘯之聲因風奮烈達則振纓

朝堂窮則身親南畝

抱朴子曰山中辰日稱雨師者龍也

又曰西域方士能神祝者臨淵禹步吹氣龍即出浮其初

出乃長十數丈於是方士更吹之一吹則龍輒一縮至長

數寸方士乃掇取著壺中或有四五龍以少水養之以踈

物塞壺口於是方士聞有旱處便賣龍往賣之一龍直數

十斤金舉國會歛以屨之直卑乃發壺出一龍著淵潭之

中因復禹步吹之輒一吹一出長數十丈須臾雲雨四集

又曰有自然之龍有虵蠲化成之龍

又曰夏時龍生於太廟之中

說苑曰吳王欲從民飲酒伍子胥諫曰不可昔白龍下清

冷之淵化為魚漁者豫且射中其目白龍上訴天帝曰當

是之時若安置而形白龍對曰我下清冷之淵化為魚天

帝曰魚固人之所射也若罪豫且何罪夫白龍天帝貴畜

也豫且宋國之賤臣也白龍不化豫且不射今棄萬乘之

位而從布衣之士飲酒臣恐其有豫且之患矣王乃止

呂氏春秋曰禹南濟江黃龍負舟人懼五色無主禹笑曰

吾受命於天竭力以養人奈何憂於龍龍弭耳而逃
又曰晉文返國介子推不肯受賞自爲詩賦曰有龍于飛
周徧天下五蛇從之爲之承輔龍反其鄉得其處所四蛇
從之得其露雨一蛇羞之死於中野懸書公門而伏山下
文公聞之曰嘻此必介子推也遂命人求之於山中
家語曰鱗蟲三百六十而龍爲長水之怪龍罔象夏食而
冬蟄
皇甫謐帝王世紀曰太昊包犧氏風姓有景龍之瑞故以
龍紀官
又曰黃帝采首山銅鑄鼎荆山下有龍垂胡鬃而下迎黃
帝群臣欲從持龍鬃拔遂墮
說文曰龍鱗蟲之長能幽能明能小能大能短能長春分
而登天秋分而入淵

山海經曰夏后啓乘兩龍雲蓋三層左手操翳右手操環
又曰鍾山之神名曰燭龍視爲晝瞑爲夜身長三千里
折地圖曰龍池之山四方高中央有池方七百里群龍居
之多五花樹群龍食之去會稽四千里
論衡曰龍少魚衆少者爲神

列仙傳曰騎龍鳴者於池中求得龍子狀如守宮十餘頭
結草廬而守養之龍大稍稍去後五十餘年水壞其廬一
旦騎龍來語云吾馮伯昌孫也此閒人不去百里當皆死
信之者皆去不信者以爲妖言至八月水出死者以萬計
又曰陵陽子明者好釣釣得白龍子明解釣拜謝放之後
數十年得白魚魚腹中有書教子明服食遂上黃山採五
石脂石肺服之三年白龍來迎止陵陽山上百餘年
又曰馬師皇者黃帝馬醫有龍下垂耳張口師皇針其唇

飲以甘草湯而愈後一旦負之而去
又曰陶安公者六安鑄冶師也數行火一旦散土紫色衝
天安公伏治下求哀須臾朱雀止治上曰安公治與天通
七月七日迎汝以赤龍至期赤龍來安公騎之大雨東南
上而去
又曰呼子先者漢中關下卜師也老壽百餘年臨去呼酒
家老嫗曰急裝當與汝俱夜有仙人持二茅狗來呼子先
了先持一與嫗嫗得而俱騎騎乃龍也上華陰山嘗於山
上大呼言子先酒母在此耳

太平御覽卷第九百二十九

太平御覽卷第九百三十

鱗介部二曰蛟蛟食龍胎以須臾
孫氏瑞應圖曰黃龍者神之精四龍之長也王者不瀆池
而漁德達深淵則應氣而游池沼
躡善長水經注曰浮圖澄別傳曰石虎時自正月不雨至
六月澄詣滏口祠稽首曝露即雨二白龍降於祠下於是
雨過千里○又曰石勒時天旱沙門佛圖澄於石井崗掘
得死龍長尺餘漬之以水良久乃蘇呪血祭之龍騰空而
上天即雨降因名龍崗
又曰交州丹淵有神龍每旱村人以苒草置淵止流魚則
多死龍怒當時大雨

豫章記曰吳猛坐郭璞事被收寄載往南令船勿開戶船
主問船下有聲如在樹杪試窺之有二龍負船一宿至宮
亭湖還豫章
三秦記曰河津一名龍門巨靈跡猶存去長安九百里水
懸船而行旁有山水陸不通龜魚之屬莫能上江海大魚
集門下數千不得上下卽爲龍故云曝鳃龍門垂耳轅下
又曰龍首山長六十里頭入於渭尾達樊川頭高二十丈
尾漸下高五六尺土赤不毛云昔有黑龍從山南出飲渭
其行道因成土山故因名也
西河記曰張駿立謙光殿成後池中水有五龍晝日見移
時乃滅水通變綠色駿卽爲銅龍以獸之駿卒不勝此殿
廣雅曰有鱗曰蛟龍有翼曰應龍有角曰虬龍無角曰螭
龍

方言曰龍未昇天曰蟠龍

齊諧記曰蛟龍畏練樹葉五色絲

漢武帝內傳曰王母乘紫雲之輦又駕九色之班龍

葛洪神仙傳曰費長房與壺公俱去後壺公謝而遣之長
房憂不能到家公與所用竹杖騎之忽然如睡已到家以
所騎竹投葛陂中顧之乃青龍也

管輅別傳曰龍者陽精以潛于陰幽靈上通和氣感神二
物相扶故能興

楚國先賢傳宋玉對楚王曰神龍朝發崑崙之墟暮宿於
孟諸超騰雲漢之表婉轉四瀆之裏夫尺澤之鯢豈能料
江海之大哉

王子年拾遺記曰方丈山一名蠻雉山東有龍場方千里
有龍皮骨如山阜膚血如流水燕昭王時以龍膏爲燈光

清澄若水光燄五色人以爲瑞
沈懷遠南越志曰蟠龍身長四丈青黑色赤帶如錦文常
隨水而下入于海有毒傷人即死

博物志曰神龍不處罔罟之水鳳皇不翔罽羅之鄉
殺之夏德之盛二龍降之禹使范成光御之以行域外既
周而還至南海經防風防風之神見禹使怒而使射之有
迅雷風雨二龍昇去二臣恐以刃自貫其心而死禹哀之
乃拔其刃療以不死之草而皆活是爲穿匈民
又曰龍肉以醢漬之則文章生

異苑曰陶侃嘗捕魚得一織梭還挂於壁有頃雷雨梭變
成赤龍從屋騰躍而去
任昉述異記曰漢和帝元年大雨有一青龍墮於宮中帝

命烹之賜羣臣龍羹各一杯故李尤七命曰味兼龍羹
楊銜之洛陽伽藍記曰西方烏塲國西有池龍王居之池
邊有一寺五十餘僧龍上每作神變國王祈請以金玉珠
寶投之池中在後涌出令僧取之此寺衣食恃龍而濟世
人名曰龍王寺

又曰西方不可依山甚寒冬夏積雪山中有池毒龍居之
昔五百商人止宿池側值龍忿怒汎殺商人槃陁王聞之
捨位與子向烏塲國學婆羅門呪四年之中善得其術還
復王位就池呪龍龍變爲人悔過向王王乃捨之
楚辭曰神龍失水而陸居爲螻蟻之所悲

禮記月令曰季秋伐蛟取鼉
史記曰劉媪嘗息大澤之陂夢與神遇是時雷電冥晦太

公往視則見蛟龍於其上已而有身遂產高祖
漢書曰武帝元封五年帝自潯陽浮江親射蛟江中獲之
昔書曰周處字子隱義興陽羨人也父鮪吳鄱陽太守處
少孤木弱冠膂力絕人好馳騁田獵不脩細行縱情肆慾
州里患之處自知爲人所惡乃慨然有改勵之志謂父老
曰今時和歲豐何苦而不樂耶父老歎曰三害未除何樂
之有處曰何謂也荅曰南山白額猛獸長橋下蛟并子爲
三矣處曰若此爲患吾能除之父老曰子若除之則一郡
之大慶非徒去害而已處乃入山射殺猛獸因投水搏蛟
蛟或浮或沈行數十里而處與之俱經三日三夜人謂之
死皆相慶賀處果殺蛟而反
家語曰竭澤而漁則蛟不處其淵
山海經曰蛟似蛇而四腳小頭細頸有白嬰大者十數圍

卵生子如一二斛甕能吞人○又曰禱過山有虎蛟魚身
蛟尾音如鴛鴦

淮南子曰蛟龍寢於泉而外剖陵○又曰一淵不兩蛟蛟之長其皮有珠今世以爲刀劍一棲不兩雄一則定兩則爭以喻日月不得並明一國不可兩君也

又曰流源千里深淵百仞非爲蛟龍也
又曰山致其高而雲雨起焉水致其深而蛟龍生焉君子致其道而福祿歸焉

又曰君子之居民上若以腐索御奔馬雍容恐失民意若展足薄冰蛟在其下蛟龍屬皮有珠能害人故曰蛟在其下

孫卿子曰積水成川蛟龍生焉
呂氏春秋曰前有飲飛者得寶劍於于將遂還及涉江至於中流有兩蛟夾繞其船飲飛仗寶劍曰此中腐骨朽肉

也赴江刺蛟殺之荆王聞之仕以執珪

馬明生別傳曰明生捕賊為賊所傷道間見神女以肘後管中一丸藥與服即愈隨女入岱宗山石室金床玉几安

期生從六七仙人見神女稱下官請陽九百六之數神女

日自頃四海水減溟湖成山連城之鯨萬丈之蛟不達斯

運之度唯叩天索水辭訟紛紜有干上府三反煩於省察

司陰亦疲於謹案矣

西京雜記曰瓠子河決有蛟龍從九子自決中逆上入河

潰沫流波凡數十里

又曰董仲舒夢蛟龍入懷乃作春秋繁露

裴淵廣州記曰新寧郡東溪甚饒蛟及時害人曾於魚梁

上得之其長丈餘形廣如楯脩頸小頭曾前赭背上青班

脅邊若錦

尋陽記曰城東門通大橋常有蛟為百姓害董奉疏一符

與水中少時見一蛟死浮出

博物志曰澹臺子羽賫千金之璧渡河河伯欲之陽候波

起兩蛟夾船子羽左操壁右操劍擊蛟皆死既濟三投壁

於河河伯三躍而歸之子羽毀壁而去

又曰荆欽飛渡江兩蛟夾其船欽飛下劍盡斷其頭而風

波靜

又曰東海上有勇士菑丘訢者過神淵強使飲馬馬沉訢

朝服拔劍入水三日三夜殺二蛟一龍而出雷電隨而擊

之七日七夜眇其左目

韓詩外傳同

又曰燕太子丹質於秦見遣而為機橋於渭將殺之蛟龍

夾舉機不得發

又曰人食鷺肉者不可入水為蛟龍所吞

王子年拾遺錄曰漢昭帝嘗遊渭水使羣臣漁釣爲樂時
有大夫在緒釣得白蛟長三丈若大蛇無鱗甲頭有一角
長二尺軟如肉焉牙如唇外帝曰此魚鮠之類非珍祥也
乃命太官爲鮓骨青肉紫味甚美帝後思之使嘗者復覓
終不得也
郭子橫洞冥記曰文犀國去長安萬里在日南之南人長
七尺被髮主踵乘犀象以爲車船乘象入海底取寶宿蛟
人之舍夕得淚珠則蛟人所泣淚而成珠也亦曰泣珠
續齊諧記曰屈原五月五日投汨羅而死楚人哀之每至
此日以竹筒貯粉米祭之漢建武中長沙區回白日忽見
一士人自稱三閭大夫謂日聞君常見祭甚善但常年所
遺爲蛟龍所竊若今有惠可以練葉塞其上五色絲縛之
此二物是蛟龍所憚

說文曰蛟龍屬也魚滿三千六百歲蛟爲之長率魚而飛
去三翅于其基淵哭蛟曰去則其哭甚悲蛟曰去則其哭甚悲
幼童傳曰魏太祖年十歲浴於譙水蛟來逼自奮水擊蛟
乃退畢浴而還
王韶之始興記曰雲水源有湯泉下流多蛟害厲濟者遇
之必笑而沒
盛弘之荊州記曰襄城北沔水極深有蛟爲害太守鄧遐
勇果時人方樊噲拔劍入水蛟遷其足遐自揮劍截蛟數
段流血丹水自此無害
劉劭叔異苑曰承陽人李增行經大溪見兩蛟在川引弓
射之中一即死增歸因復出市有一女子素服銜涕捉所
射箭增怪之問焉答曰何用謂爲若是君箭便以相還授
矢而滅增惡而驟返未達家暴死於路

劉義慶幽明錄曰晉安帝隆安初曲阿民謝盛乘船入湖採菱見一蛟來向船船迴避蛟又從其後盛便以叉殺之懼而還家經年無患至元興中普天亢旱盛與同旅數人步至湖中見先父在地拾取之云是我父人問其故具以實對行數步乃得心痛還家一宿便死

續搜神記曰長沙有人忘其姓名家住江邊有女子渚次澣紗覺身中有異復不以爲患遂妊身生三物皆如鰕蛄音二魚甚憐異之乃着藻槃水中養之經三月此物遂大乃是蛟子字大者爲雷洪次者名破祖小者名揉岸天暴雨水三蛟一時俱出遂失所在後天欲雨此物輒來女亦知當來便出望之蛟子亦出頭望母良久方復去經年後女亡三蛟子至其墓所哭之經日乃去聞其哭聲狀如狗號又曰安城平都縣尹氏居在郡東十里曰黃屯尹佃舍在

馬元嘉二十三年六月中尹兒年十三守舍見一人可年二十許騎白馬張繖及從者四人衣並黃色從東方而來於門呼尹兒來暫寄息因入舍中庭下坐牀一人捉繖覆之尹兒看其衣悉無縫馬五色斑似鱗甲而毛有頃雨氣至此人上馬去顧遇尹兒曰明日當更來尹兒觀其去西行躡虛而漸升須臾雲四合白晝爲之晦瞑明日大水暴出山谷沸涌丘壑森漫將掩尹舍忽見大蛟長三丈餘盤屈庇其舍頭焉

任昉述異記曰夏桀之末宮中有女子化爲龍不可近俄而復爲婦人甚麗而食人桀命爲蛟妾告桀吉凶之事唐明皇雜錄曰開元中有黃門奉使自交廣而至方拜舞於殿下時國鑿紀周顧之謂上曰此人腹中有蛟龍明日當產一子則不可活也上驚問黃門曰有疾否曰臣馳馬

大庾嶺時當大熱既困且渴因於路傍飲野水遂腹中堅痞如石周卽以消石雜黃煑而飲之立吐一物不數寸其大如指細視之鱗甲具備

楚辭曰麋何食兮庭中蛟何爲兮木上

鱗

淮南子曰乘雲車

雲雷之車

服應龍

服轅中也應龍有翼之龍

參青蜺

青龍

屬絕瑞蓆蘿圖

蘿圖車上蓆也

雲黃路

乘路車前

白螭

白螭

後賁

虵

呂氏春秋曰季孫氏刳公家

奪公家事而自專

孔子欲論術則見

外孔子欲以進

於是受養而便說

孔子欲受其養而季子便說

魯國以

訾孔子

訾

孔子曰龍食乎清而游乎清螭食乎濁而游乎

濁魚食乎濁而游乎濁今丘上不及龍下不若魚丘螭耶

夫欲立功者豈得中繩哉救溺者濡追逃者趨

王子年拾遺錄曰崑崙山第三層有螭潭百里多龍螭皆白色千歲一蛻共五藏此潭左側有五色石云是白螭之腸化爲石

楚辭曰乘水車兮荷蓋駕兩龍兮驂螭又曰駕青虬兮驂白螭吾與重華遊兮璠之圃
宋玉高堂賦曰乘土子兮駟蒼螭

太平御覽卷第九百三十

太平御覽卷第九百三十一
麟介部三
龜
爾雅曰龜三尺賁
今吳興陽羨縣君山上
龜俯者靈行頭
仰者謝仰頭前
弁諸果甲前左
倪不類所頭左
謂左食者以甲
卜右倪不若行
頭右庫為右一
日神龜神龜之
最二日靈龜
涪陵郡出大龜
甲可以卜緣中
文似毒唱俗呼
三日攝龜
為靈龜即今背
鵝龜一名靈鵝
能鳴鵝以規切
三日攝龜
小龜也腹甲曲
折解能自殊四
日寶龜書曰遺
我五日文
閉好食地江東
呼為靈龜也四
日寶龜大寶龜
龜甲有支彩者
河圖曰六日筮
伏見龜策傳七
日山龜
八日澤龜九日
水龜十日火龜
猶火鼠午耳物
有含異氣
者不可以常理
推然亦無所怪
周易曰或益之
十朋之龜
又說卦曰離為
龜

太平御覽卷第九百三十一
麟介部三

龜

爾雅曰龜三尺賁
今吳興陽羨縣君山上
龜俯者靈行頭
仰者謝仰頭前
弁諸果甲前左
倪不類所頭左
謂左食者以甲
卜右倪不若行
頭右庫為右一
日神龜神龜之
最二日靈龜
涪陵郡出大龜
甲可以卜緣中
文似毒唱俗呼
三日攝龜
為靈龜即今背
鵝龜一名靈鵝
能鳴鵝以規切
三日攝龜
小龜也腹甲曲
折解能自殊四
日寶龜書曰遺
我五日文
閉好食地江東
呼為靈龜也四
日寶龜大寶龜
龜甲有支彩者
河圖曰六日筮
伏見龜策傳七
日山龜
八日澤龜九日
水龜十日火龜
猶火鼠午耳物
有含異氣
者不可以常理
推然亦無所怪
周易曰或益之
十朋之龜
又說卦曰離為
龜

京房易緯曰靈著四十九莖下有千歲神龜守之

焦贛易林曰龜厭江海陸行不止自今枯藁失其都市

尚書臯陶謨曰昆命于元龜

又禹貢曰九江納錫大龜

又曰寧王遺我大寶龜文王也遺我大寶龜則卜之

尚書中候曰堯沈璧於洛玄龜負書出於背甲赤文朱字

止壇塲沈璧於河黑龜出赤文題

又曰周公攝政七年制禮作樂成王觀於洛沉璧禮畢王

退有玄龜青純蒼光背甲刻書上躋于壇赤文成字周公

寫之

雜書曰靈龜者玄文五色神靈之精也上隆法天下法地

能見存亡明於吉凶王者不偏黨尊者老則出

洪範五行曰龜之言久也千歲而靈此禽獸而知吉凶者

也

周禮天官鼈人曰春獻鼈蜃秋獻龜魚又春官下龜人

曰龜人掌六龜之屬各有名物天龜曰靈屬地龜曰緯屬

東龜曰果屬西龜曰雷屬南龜曰獵屬北龜曰若屬凡取

龜川秋時攻龜川春時各以其物入于龜室六龜各異室也

大戴禮曰甲之蟲三百六十而神龜為之長

禮記月令曰季秋登龜取龜甲類秋乃堅成故是月登取

又學記曰青黑綠者天子之寶龜也

又禮運曰麟鳳龜龍謂之四靈

逸禮曰天子龜尺二寸諸侯八寸大夫六寸士民四寸龜

者陰蟲之老也龜三千歲上游於卷耳之上老者先知故

君子舉事必考之

禮統曰神龜之象上真法天下方法地背上有盤法丘山

玄文交錯以成列宿五光昭若玄錦文運轉應四時長尺
二寸明吉凶不言而信

左傳襄二十三年曰臧武仲自邾使告臧賈且致大蔡焉

大蔡臧文仲所居大龜也紇不佞失守宗祧言我為人敢告不吊後不至於

道而紇之罪不及不祀不祀絕也言子以大蔡納諸其可

請為先人立賈曰聞命矣再拜受龜

公羊傳定公日弓繡質質龜青純純

春秋運斗樞曰璠光星散為龜

史記龜策傳曰余至江南觀其行事問其長老云龜千歲

乃遊蓮葉之上江傍家人嘗畜龜飲食之以為能導引致

氣有益於助衰養老豈不偉哉

史記褚先生日能得名龜者財物歸之家必大富至千萬

一日北斗龜二日南辰龜三日五星龜四日八風龜五日

二十八宿龜六日日月龜七日九州龜八日王龜凡八名

龜龜各有文在腹下此龜不必滿尺二寸民人得長七八

寸可寶矣神龜出於江中盧江郡常歲時出龜長尺二寸

者二十枚輸太卜官太卜官因以吉日剔取其腹下甲龜

千歲乃滿尺二寸有神龜在江南嘉林中嘉林者獸無虎

狼鳥無鷗梟草無毒螫野火不及斧斤不至是謂嘉林龜

在其中嘗巢於芳蓮之上左脅書文日甲子重光得我者

匹夫為人君有土正諸侯得我為帝王南方老人用龜支

牀足行二十餘歲老人死後移床龜尚生能行氣導引

又曰宋元王二年江使神龜使於河至於泉陽漁者豫且

舉網得而囚之置之籠中夜半龜來見夢於宋元王日我

為江使於河而網當吾路泉陽漁者豫且得我我不能去

身在患中王有德義故來告愬元王惕然乃召博士衛平

而問之平曰龜也王求之泉陽豫且日夜半舉網得龜使
者載行入端門見王延頸而前三步而止縮頸而却復其
故處於是元王擇日齋戒以刀剥之元王之時衛平相宋
宋國最強龜之力也
魏略曰文帝時神龜出於靈芝池
晉書曰懷帝永嘉元年有玉龜出於霸水也
崔鴻十六國春秋前燕錄曰海州大龜枯死於平墩遼東
送之侍郎王弘以爲宇文允得龜滅亡之徵也
晉書曰苻堅末高陸人穿井得龜大三尺背上有文象八
卦堅命太卜池養之食以粟及死藏其骨於太廟是夜廟
丞高虜夢龜謂之曰我本出將歸江南遭時不遇殞命秦
庭又有人夢於虜曰龜三千六百歲終必妖興亡國之象
也其後竟驗○又載記曰乞伏國仁隴西鮮卑人也昔有

如弗斯出連叱廬三部自漠北南出太陰山遇一巨蟲於
路狀若神龜大如阜乃殺馬而祭之祝曰若善神也便開
路惡神也遂塞不通俄而不見乃有一小兒在焉
南齊書曰永明年唐潛獻青毛神龜一頭
梁書曰元帝爲江州刺史時有安成望族劉敬躬者田間
得白蛆化爲金龜將銷之龜生光照室敬躬以爲神而禱
之所請多驗也
三國典略曰梁陸法和至襄陽城北大樹下畫地方二尺
令弟子掘得一龜長一尺五寸杖叩之曰汝欲出此已數
百歲若不遇我豈見天乎曰爲授三歸龜乃入草去
陳書曰武宣章皇后母嘗遇道士以小龜遣己光采五色
曰三年有徵及莽后生紫光照室因失龜所在
隋書曰開皇中掖庭宮每有人來挑宮人官司以聞帝曰

門衛甚嚴人何從而入當是妖精耳因戒宮人曰若逢但
斫之其後有物如人夜來登床宮人抽刀斫之若中枯骨
其將落牀而走宮人逐之因入池而沒明日帝令涸池得
一龜徑尺餘其上有刀迹煞之遂絕
唐書曰先天二年丁未江州獻靈龜六眸腹下有玄文象
卦文
梁記曰朱友貞末年許州獻綠毛龜以爲瑞因宮中造室
以居之日爲龜堂
晉史曰安州李金全之將叛也郡樓有介蟲如龜而巨鱗
銳首能陷堅出於金全足下金全惡而焚之
列子曰渤海之東有大壑焉其中有山無所連著常隨潮
波上下往還不得暫時焉仙聖壽之訴於上帝帝恐流於
西極失群聖之居使巨龜十五舉首而戴之迭爲三番六

萬歲一交焉五山始峙而不動龍伯之國有大入舉足而
不盈數十步而暨五山之所一釣而連六龜合負而趣歸
其國灼其骨以數焉
莊子曰莊子釣於濮水楚王使大夫往先白焉曰願以境
內累子莊子持竿不顧曰吾聞楚有神龜死已二千歲矣
巾笥而藏之廟堂之上此龜者寧其死留骨而貴乎寧其
生而曳尾塗中乎大夫曰寧生而曳尾塗中莊子曰往矣
吾將曳尾於塗中
又曰宋元君夜半而夢人被髮窺阿門曰予自宰露之淵
子爲清江使河伯之所漁者余且得予元君覺召占夢者
占之曰此神龜也君曰漁者有余且乎左右曰有君曰令
余且會朝明日余且朝君曰若漁何得荅曰且之網得白
龜五尺君曰獻若之龜龜至君再欲殺之再欲活之心疑

卜之日殺龜以下吉乃劍龜以下七十二鑽而無遺筴仲
尼曰神龜能見夢於元君而不能避豫且之網智能七十
二鑽而無遺筴不能避剗腸之患
淮南子曰龜三千歲蜉蝣不過三日以蜉蝣而爲龜憂養
生之具人必笑之
又曰牛蹄彘顛亦骨也而弗灼必問吉凶於龜者以其歷
歲久也
抱朴子曰千歲靈龜五色具焉其雄額上兩骨起似角解
人言浮於蓮葉之上或在叢著之下以采朱浴之乃剔取
其甲炙搗服方寸七日三盡一具壽千歲
又曰山中辰日稱雨師者龍也巳日稱寡人者社中蛇也
稱時君者龜也
又曰郊儉少時行獵墮空冢中饑餓見冢中先大龜數數

迴轉所向無常張口吞氣或俛或仰素聞龜能導引乃試
隨龜所爲遂不復饑百餘日後竟能咽氣斷穀魏王弄置
土室中閉試之一年不食顏色悅懌氣力自若
符子曰邦人獻燕昭王以大豕者曰於今百二十歲邦人
謂之豕仙其群臣言乎昭王曰是豕無用王命宰夫而膳
之豕既死乃見夢於燕相曰今杖君之靈而化吾生也始
得爲魯津之伯而浮舟者食我以稷糧之珍而欣君之惠
將報子焉後燕相遊于魯津有赤龜銜夜光而獻
金樓子曰黃金滿筥不以投龜明珠徑寸豈勞彈雀
又曰巨龜在沙嶼間背生樹木如洲島嘗有商人依其
採薪及作食龜被灼熱便還海於是死者數千人
又曰陽郡山中有巨龜長八尺腹下有文字前後足下各
躡一龜有時踰山越水咸觀異之

說苑曰靈龜五色色似玉背陰向陽上隆象天下平法地
轉運應四時蛇頭龍脰左精象日右精象月知存亡吉凶
之變又曰城濮之戰文公謂咎犯曰吾卜戰而龜燔我迎歲
彼背歲彗星見彼操其柄我操其標吾又夢與荆王博彼
在止我在下吾以無戰子以為何如咎犯對曰卜戰龜燔
是荆人也我迎歲彼背歲彼去我從之也○又曰晉屠岸
賈欲追趙氏趙盾夢見叔帶持龜而哭甚悲己而笑拊手
且歌謂趙盾卜之占兆絕而後好趙史援占曰此甚惡非
君之身國語曰夫服心之文也如龜焉灼其中必文於外若楚公
子不為君必死不合諸侯矣○家語曰孔子問漆彫馮曰
子事臧文仲武仲及孺子容此三大夫者孰為賢乎對曰

臧氏家有守龜焉文仲三年而為一兆武仲三年而為二
兆孺子容三年而為三兆馮從此見之若夫三人之賢與
不賢所未敢識也孔子曰君子哉漆彫氏之子其言人之
美也隱而顯言人之過也微而著智不能及明不能見孰
克如之論衡曰龜三百歲大如錢游華葉上三千歲則青邊有距
山海經曰大若山陽在水出焉注于伊水中多三足龜
星經曰天龜五星在南漢中廣志曰觜切維切形如龜出交州山龜在山上食草
長尺餘柳氏龜經曰龜一千二百歲可卜天地之終始何以言之
三千四十二占於天地千歲之龜甲黑龜有五色時用之
神仙傳曰南極子融卽杯呪之卽成龜煮之可食腹藏皆

其柸成龜殼煮取肉還成柸
會稽後賢傳曰孔愉字敬康嘗至吳興餘不亭見人籠龜
於路愉求買而放於溪中龜行至水反顧視愉及封此亭
而鑄印龜首迴屈三鑄不正有似背龜之顧靈德感應如
此
華陽國志曰秦惠王十二年張儀司馬錯破蜀克之儀因
築城城終頽壞後有一大龜從剗而出周行旋走乃依龜
所行築之乃成
古史考曰伏羲時靈龜負河圖八卦是也
洛陽記曰禹時有神龜於洛水負文列於背以授禹文即
治水文也
南越志曰龜甲名神屋出南海生池澤中吳越謂之元仲
神龜大如拳而色如金上甲兩邊如鋸齒爪利而能緣大

木捕鳴蟬至美可食不中於卜以其小故也
嵩高山記曰千歲松或化為伏龜
義興記曰君山廟其下有池池中有三足六眼龜
崔豹古今注曰龜一名玄衣督郵一名元緒
王子年拾遺錄曰崑崙山第五層有神龜長一尺九寸四
翼萬歲則升木而居也亦能言矣
郭子橫洞冥記曰黃安代郡人也常去白云卑猥不敢馳
人閒執鞭懷而欲書畫地以記其數一夕地成池矣明復
移亦復成池時人謂言黃安舌耕年可入十餘視若童子
常服朱砂舉體皆赤冬不着衣坐一大神龜時人問子坐
此龜幾年對曰昔伏羲氏始造網罟有此龜以授吾龜背
已平此龜畏日月之光二千歲而一出頭我坐此龜已來
五遇出頭矣有則負龜而移世人謂黃安萬歲

博物志曰人有出行墜深泉澗者無出路饑餓分死左右見龜蛇甚多朝暮引頸向東方人因伏地學之遂不復饑體殊輕便能登巖岸經數年後試竦身舉臂遂超出澗口卽得還家顏色悅懌頗更黠慧勝故還食穀啖滋味百餘日中復其本質人言黃文舌掛平河人言龜背童子又曰龜三千歲猶旋卷耳之上著千歲三百莖同本以老知吉凶

神異經曰西方大荒中有人焉長丈其腹圍九尺踐龜蛇載朱鳥知河海升斛識山石多少知天下鳥獸言語續搜神記曰司徒蔡謨親友王蒙者單獨常爲蔡公所怜公嘗令人捕魚獲龜如車輪公付廚帳下倒懸龜署屋蒙其夕纔眠已厭如此累夜公聞而問蒙何故厭答云眠輒夢人倒懸已公容慮向龜乃令人視龜所在果倒懸著屋

公嘆曰果如所度命下龜於地於是蒙卽得安寢龜乃去又曰晉咸康中豫州刺史毛寶戍邾城有一軍人於武昌市見人賣一白龜子長四五寸潔白可愛寶便買取持歸著瓮中養之日日大近欲尺許其人憐之持至江邊放水

中視其去後邾城遭石勒敗毛寶奔豫州旣越江莫不沈溺寶于時被鎧持刀亦同自投旣入水中覺如隨一石上水裁至腰須臾游去中流視之乃是先所養白龜甲六七尺旣送至東岸出頭視此人徐游而去中江猶迴首數焉又曰鄱陽縣民董赭入山採荆楊子遂迷不知道數日饑餓忽見一大龜赭便呪曰汝是靈物吾迷路不知道今騎汝背示吾路龜卽回在膊赭卽從行去十餘里便至溪水見賈客行船赭卽往乞食便語船人云我向者於溪邊見一龜甚大可共往取之言訖面卽生瘡旣往亦復不見龜

還家數日病瘡而死
劉敬叔異苑曰餘姚縣倉封印完全而開之覺大損耗後
伺之乃是富陽縣相王陵上雙石龜所食卽密令毀龜曰
於是不復損耗
又曰孫權時永康有人入山遇一大龜卽束之歸龜便言
曰遊不長爲時君所得入甚恠之載出欲上吳王夜泊越
里纜舡於大桑樹霄中樹呼龜曰勞乎元緒奚事爾耶龜
曰我被拘繫方見烹臠雖盡南山之樵不能潰我樹曰諸
葛元遜博識必致相苦令求如我之徒計從安出龜曰子
明無多辭禍將及爾樹寂而止旣至權命煮之焚柴萬車
語猶如故諸葛恪曰燃以老桑乃熟獻人仍說龜樹共言
權登使伐取煮龜立爛今烹龜猶多用桑薪野人故呼龜
爲元緒

孔氏志怪曰會稽吏謝宗赴假吳中獨在舡忽有女子姿
性妖婉來入舡問宗有佳絲否欲市之宗因與戲女漸相
容留在舡宿歡宴繼曉因求宗寄載宗便許之自爾舡人
恒夕但聞言笑兼芬馥氣至一年往來同宿密伺之不見
有人方知是邪魅遂共掩之良久得一物大如枕須臾又
得二物並小如拳以火視之乃是三龜宗悲思數日方悟
自說此女子一歲生二男大者名道愍小者名道興旣爲
龜送之於江

廣五行記曰晉孝武太元中吳郡岑泉爲司農造碑於江
畔湖西之村見石龜載碑從田中出還其先處萍藻猶在
腹下其月泉暴亡
任昉述異記曰陶唐之世越裳國獻千歲神龜方三尺餘
背上有文皆科斗書記開闢已來命錄之龜曆

伏滔連帝
功德銘曰

胡書龜曆之文

又曰周時地陽雨錢終日方絕王莽時未央宮兩五銖錢既至地悉為龜兒

又曰龜一千年生毛壽五千歲謂之神龜壽萬年曰靈龜孫惠龜賦曰有輜衣之大夫分衣玄繡之衣裳乘輜車之岌岌兮駕雲霧而翱翔風雨為之電奮兮五色赫以焜煌李頤龜賦曰質應離象位定坎居賤彼孕頤貴我靈符浮洛川見緯書洞祕曠通玄虛

太平御覽卷第九百三十一

麟介部四

太平御覽卷第九百三十二

鱗介部四

龜

龜

龜

龜

易說卦曰離為龜

爾雅曰龜三足能

今吳興陽羨縣君山上有池中出三足龜

周書曰成王時長沙獻龜

周禮天官鼈人曰鼈人掌取玄物以時藉魚鼈蜃

鄭司農云籍謂

以杖刺泥中搏取之春獻鼈蜃

禮記曲禮上曰水潦降不獻魚鼈

不饒多也

又樂記曰土敝則草木不長水煩則魚鼈不大

魏略舊志曰昔北方有橐離之國者其王侍婢有身王欲殺之婢云有氣如鷄子來下我故有娠後生子王指之於

涸中猪以氣噓之徒馬關馬以氣噓之王疑之以天子乃命其母收畜之名曰東明常令牧馬東明善射王恐奪其國欲殺之東明走南至淹水以弓擊水魚鼈浮爲橋東明得渡而魚鼈解散追兵不得渡東明因都王夫餘之地後魏書曰夫餘之臣以朱蒙善射欲殺之朱蒙母以告朱蒙與烏連二棄之夫餘東南走遇一大水欲濟無梁蒙告水曰我是日子河伯外孫今逃追兵垂及如何於是魚鼈並浮爲成橋朱蒙得渡追騎不得渡蒙至絕升骨城遂居焉

隋書曰崔弘度每誠其寮吏曰人當誠恕無得欺誑皆曰諾後嘗食鼈侍者八九人弘度一一問之曰鼈美乎人懼之皆云鼈美弘度於是大罵曰備奴何敢誑我汝初未食鼈安知其美俱杖之八十官屬百工見之莫不流汗無敢

欺隱

孫卿子曰跬步不休跛鼈千里

淮南子同

莊子曰埳井之跬謂東海鼈曰吾跳梁井幹之上入沐缺齧之岸樂亦至矣子奚不時來入觀乎海鼈左足未入而右膝已墊矣於是逡巡而却告之曰夫海千里之遠不足舉其大千仞之高不足極其深禹時十年九潦而水不爲加益湯時八年七旱而岸不加損夫不爲須臾推移不以多少進退者此亦東海之大樂也於是蛙聞之適適然驚規然自失

韓子曰鄭縣人卜子毒妻之市買鼈以歸過潁水以爲渴因縱而飲之遂失鼈

淮南子曰鼈無耳而目不可以瞽精於明也

不可以瞽瞽則見

又曰王子慶忌足躡麋鹿手縛兕虎置之冥室之中不能

搏龜鼈勢不便也慶忌吳王

又曰大生小多生少天之道也故丘阜不能生雲雨滌水不能生魚鼈者小也

又曰殺戎馬而求狐狸援兩鼈而失靈龜斷右臂而爭一毛折鎔錙而爭鷄刀用智如此豈足高乎高猶貴也

又曰忠信形於內感動應於外故禹執干戚舞於兩階之間而三苗服三苗畔禹禹風鷹翔川魚鼈沉禹以德服三苗猶鷹翔川

上魚鼈飛鳥揚鳥見鷹必遠實鷹懷欲害之心故鳥說苑曰曾子有疾曾元抱首曾華抱足曾子曰吾無顏氏之才何以告汝雖無能君子務益夫華多實少者天也言

多行少者人也夫飛鳥以山為卑而層巢其巔魚鼈以淵為淺而穿穴其中然所以得者餌也君子苟能無以利害

身辱安從至乎

國語曰公父文伯飲南宮敬叔酒以露嗜父為客諸父魯

也土客羞鼈焉小睹父怒相延食鼈辭曰將使鼈長而後食之遂出文伯之母聞之怒曰吾聞之先子曰祭養尸饗養

尸賓言祭祀之禮尊養尸饗養尸賓鼈於何有而使夫人怒也遂逐之五日

呂氏春秋曰水之深則魚鼈歸之樹之盛則飛鳥歸之庶草美則禽獸歸之人主賢則豪傑歸之

晏子春秋曰齊大旱景公召羣臣問曰寡人欲祀河伯可乎晏子曰不可河伯以水為國以魚鼈為民彼獨不欲雨乎祀之何益

山海經曰從山多三足鼈顧譚新言曰吳之翫水若魚鼈蜀之便山若禽獸至門而

神仙傳曰汝南郡中常有鬼怪歲輒數出過時導從威儀

如太守入府打鼓周行內外乃還去甚以爲患後費長房詣府君而正值此鬼來到府君門常徑入獨此來至門而已不敢前欲去長房厲聲呼便促前來鬼化作老公乃下車把板伏庭中叩頭乞得自改長房曰汝死老鬼不念良善無故導從濫突官府知當死不復汝真形世鬼須臾卽成大鼈如車輪頸長一丈許長房復令還就人形以一札符付之令送與葛陂君鬼叩頭流涕持一札符去使人追視之至陂邊以頸繞株而死

王子年拾遺記曰容山下有水多丹鼈魚皆能飛躍星經曰天鼈十三星在南斗主水蟲

南越志曰海中有朱鼈狀如肺有眼六腳而常吐珠見則天下大旱

崔豹古今注曰鼈一名河伯從事

博物志曰九竅者胎化八竅者卵生龜鼈龜此諸類皆卵生而影伏

又曰大腰無雄龜鼈類也無雄與雌通氣則孕

又曰鼈劉令如碁擣赤莧汁和台厚以茅苞五六月中作投於池澤中經旬變成鼈

志恠曰昔有人與奴俱得心腹病治不能愈奴死乃剖腹視之得一白鼈赤眼甚鮮淨以諸藥內鼈口中終不死後有人乘白馬來者馬溺濺鼈縮頭藏腳乃試取馬溺灌之豁然消成水病者頓飲一升卽愈

淮南萬畢術曰青泥殺鼈得覓復生

禮記月令曰季秋登龜取鼈

左傳宣王曰楚人獻鼈於鄭靈公公子宋與子家將見子

公之食指動以示于家曰他日我如此必嘗異味及入宰夫將解龜相視而笑公問之子家以告及食大夫龜召子公而弗與也子公怒深指於鼎嘗之而出

廣雅曰海龜大一畝重千鈞

續漢書曰靈帝時江夏黃氏之母浴而化為龜入于深淵其後時時出見初浴簪一銀釵及見則在其首

唐史曰韋丹少在東洛營至中橋見數百人喧集水濱乃漁者網得大龜繫之橋柱引頸四顧有求救之意丹問曰幾錢可贖曰五千丹曰吾驢直三千可乎曰可於是與之放龜於水徒步而歸

淮南子曰桀之力別解伸鈎解骨也索鐵操金椎移大戲大戲大軍之水殺龜鼉陸捕熊羆

又曰積力之所舉則無不勝也衆智之所為則無不成也

培井之功無龜鼉隘也園中之無脩木小也

又曰高山險阻深林藪薄虎豹之所樂也人人入之而畏川

谷通原積水重淵龜鼉之所便也人人入之而死

魏子曰夫樹樹異風人人異心不可以一檢量故龜鼉得水則生虎豹得水則死

晏子春秋曰齊三子爭桃古冶子曰吾嘗濟河龜銜左驂

而入砥柱流治潛行逆流百步從流九里得龜頭鶴躍而

出若治之功可以食桃

抱朴子曰在頭水有大龜常在深潭號為龜潭此能作魅

行病吳有道士戴炳者能視見之以越章封泥遍擲潭中

良久有大龜徑長丈餘浮出不敢動乃格殺之而病者並

愈又有小龜出羅列死於渚上甚多

書紀年曰穆王三十七年起師至九江以龜為梁也

璅語曰范獻子獵占之曰此其爵也君子得龜小人遺冠
 獻子獵而不得遺其豹冠
 列仙傳曰廬山頂上有湖湖廣數頃龜鼈盈於水中
 博物志曰屠龜解其肌肉唯腸連於頭而經日不死猶能
 齧物鳥往食之則為所得漁者或以張鳥雀
 崔豹古今注曰龜為河伯使者

搜神記曰齊景公渡于江沅之河龜銜左驂沒之眾皆惕
 懼古治于於是拔劍從邪行五里逆三里至于砥柱之下
 乃龜也左手持龜頭右手挾左驂鸞躍鵠踴而出仰天大
 呼水逆流三百步觀者皆以為河伯也

淮南萬畢術曰龜暗得火可以燃鐵取龜殺之燒鐵如炭狀以焯其脂中鐵自
 燃燒龜致鼈取龜燒之龜自至

楚辭曰乘白龜兮逐文魚言河伯遊戲近則乘龜也

宋玉高唐賦羽龜鼈鱧鮪交積縱橫

人亦亦內大龜云人殊非夫其亦國曰吾命蓋氣合而

毛詩文王靈臺網鼈鼓逢逢日人異本想不

禮記荆楚之節伐蛟取鼈夫鼈亦與到

說文曰鼈水蟲似蜥蜴長丈餘從龜單聲

汲冢書曰會稽會稽以鼈冠其皮可

吳志曰孫亮初公安南龜鳴龜背平南郡城

中可求生壽死不夫義無成謝年諸葛恪敗弟融鎮公安

被取融剖金印龜背計服而死江表傳同

莊子曰孔子觀於吕梁懸水勇士勿流沫三十里龜鼈不

得游見一丈夫游之數百步而出孔子請問曰有道乎丈

夫曰吾畏於性成乎命從水之道而無私焉

呂氏春秋曰帝顓頊令飛龍作八風之音以祭上帝乃會

爲樂倡鼉乃偃寢以其尾擊腹其音美也
搜神記曰滎陽張福航行夜有女子乘小舟來投福云日
暮畏虎不敢夜行福戲調之遂就福寢中夜月照乃見一
白鼉枕福臂而卧福驚起鼉便去乘之航乃枯槎也
郭義恭廣志曰鼉魚長三尺有四足高尺餘尾如蠅蛭而
大南方嫁娶必得食之魏武赤壁還所掘得之是也
支僧載外國事曰私訶條國全道遼山有毗呵羅寺寺中
有不鼉至有神靈衆僧飲食欲盡寺奴輒向石鼉作禮於
是食具
許氏志怪曰沙門竺僧瑤得神符尤能治邪廣陵王家女
病邪召瑤治之瑤入門便暝日大罵老魅不守道敢干犯
人女在內大喚云人殺我夫鬼在側曰吾命盡於今可爲
痛心因歔歔悲啼又曰此神也不可爭傍人悉聞於是化

爲老鼉走出中庭瑤入撲殺之

幽州錄曰宋高祖永初中張春爲武昌太守時人有嫁女
未及昇車忽便失性出外歐擊人乘云己不樂嫁俗人巫
云是邪魅乃將女江際擊鼓以術祝治療春以爲欺惑百
姓刻期須得妖魅後有一青蛇來到巫所卽以大釘釘頭
至日中復見大龜從江來伏前更以赤朱書背作符更遣
去入立至暮有大白鼉從江中出乍沈乍浮向龜隨後催
逼鼉自忿死冒來先入慢與女辭訣女慟哭云失其因好
自此漸差或問巫曰魅者歸於何物巫云蛇是傳通龜是
媒人鼉是其對所獲三物悉示春春始知靈驗

吊

裴氏廣州記曰吊蛇頭鼉身亦水宿亦水栖俗謂爲吊膏
至輕利以銅瓦器貯之浸出而唯雞卵盛之不漏磨治諸

毒腫絕驗也

太平御覽卷第九百三十二

太平御覽卷第九百三十二
毒腫絕驗也
...

太平御覽卷第九百三十二

鱗介部五

地

金澤文庫

周易繫辭下曰尺蠖之屈以求信也龍蛇之蟄以存身也

爾雅曰騰騰蛇龍類也能與雲霧而蟒王蛇郭璞曰蟒地最大者故曰

左傳莊公曰初丙蛇與外蛇關於鄭南門之中丙蛇死六年而厲公入

又文下曰有蛇自泉宮出入于國如先君之數自伯禽至僖公十七

又襄三叔向母曰深山大澤實生龍蛇

又襄五梓慎曰今茲宋鄭其饑乎蛇乘龍蛇玄武之宿虛危之星

史記曰秦文公夢黃蛇自天下屬地其口出於郕衍文公

問史敦敦曰此上帝之徵君其祠之於是作廊峙
 漢書曰高祖以亭長送徒驪山夜行經豐西大澤中有大
 蛇當道拔劍斬之遂行後人至者見一老嫗哭蛇曰此白
 帝子也向赤帝子過而殺之媼因忽然不復見
 後漢書曰華他嘗行道見有病咽塞者咽塞也因語之曰向
 來道隅有賣餅人萍蠶甚酸可取三升飲之病自當去即
 如他言乃立吐一蛇
 晉書曰杜預先在荊州因宴集醉臥齋中外人聞嘔吐聲
 竊窺於戶而見一大蛇垂頭而吐聞者異之
 又曰樂廣常有親客久闕不復來廣問其故答曰前在坐
 蒙賜酒方欲飲見盃中有蛇意甚惡之既飲而疾于時河
 南廳事壁上角漆畫作蛇廣意盃中蛇即角影也復置酒
 於其處謂客曰酒中復有所見不答曰所見如初廣乃告

其所以客豁然而解沉痾頓愈
 又曰趙王倫篡位殿上有大蟒及小蟒耳開垂肉似重孝
 幘小蟒亦然
 又曰慕容熙遊于城南止大柳樹下若有人呼曰太王且
 止熙惡之伐其樹乃有蛇長丈餘從樹中而出
 又曰沮渠蒙遜攻浩豐而蛇盤於帳前蒙遜笑曰前為一
 騰蛇今盤在吾帳天意欲吾迴師先定酒泉燒攻具而還
 沈約宋書曰劉秀之少孤貧有志操十許歲時與諸兒戲
 於前渚忽有大蛇來勢甚猛莫不顛沛驚呼秀之獨不動
 眾並異焉
 南史曰梁主衣庫見黑蛇長丈許數十小蛇隨之舉頭高
 丈餘南望俄失所在帝又與宮人幸元州苑復見大蛇盤
 屈於道羣小蛇遶之並黑色帝惡之宮人曰此非怪也恐

是錢龍帝勅所司即日取數千萬錢鉉於地處以厭之因設法會赦囚徒賑窮乏退居栖心省又有蛇從屋墜落帝帽上忽然便失又龍光殿上所御肩輿復見小蛇縈屈輿中以頭駕夾膝前金龍頭上見人走逐之不及

梁書曰倭國有獸如牛名山鼠又有大蛇吞此獸蛇皮堅不可斫其上有孔乍開乍閉時或有光射中之蛇則死矣陳書曰後主末年昏淫政亂秘書監傅縡上書諫諍後主逼令自盡死後有惡蛇上屋來靈床當前受祭酌而去復來百有餘日時有彈指聲俄而陳滅

後魏書曰東魏孝靜帝武定中有大蛇見武牢城上時北豫州刺史高仲密以孝牢叛死者數千人後消難之任武牢蛇又見消難亦叛土人謂之雌龍

隋書曰煬帝大業末年翟讓初見李密衣在格上密繫帶

化為赤蛇讓心異之資為密所殺

又曰薛濬初為童兒時與宗中諸兒遊戲于澗濱見一黃蛇有角及足召群兒共視了無見者濬以為不祥歸而憂悴母逼而問之濬以實對時有胡僧詣宅乞食濬母怖而告之僧曰此乃兒之吉應且是兒也早有名位然壽不過六七耳言終而出忽然不見時咸異之既而壽終於四十二六七之言於是驗矣

又曰李密據偃師王世充領兵討之夜有斑蛇長丈餘向寢屋作聲如牛吼執仗者斬之明日戰大潰正馬歸國唐書曰太宗屯栢壁常欲覘敵潛軍遠抄騎皆四散太宗與一甲士登丘而睡俄然賊兵四面雲合不之覺也會有蛇逐鼠觸甲士驚起因見賊至遽白太宗而俱上馬馳百餘步為賊所及發大羽箭射之殪其驍將賊騎乃退當時

以為神異焉
 又曰建中三年趙州寧晉縣仁孝里沙北有棠樹甚茂百姓禱之為神忽有群蛇數千自東南來趨北岸集棠樹下為二積留居南岸者為一積俄有三龜徑寸繞行積傍積蛇盡死而後各登其積野人以告蛇腹皆有瘡若矢所中又曰元和中五坊小使每羣聚於賣酒食家肆情飲啖將去留蛇一篋誠之曰吾以此蛇致供奉鳥雀可善飼之無使飢渴主人賂而謝之方肯携蛇篋而去
 又曰李朝晟為邠州刺史城方渠無水師徒囂然遽有青蛇乘高而下視其跡水隨而流朝晟令築防環之遂為停泉軍人仰飲以足圖其事上聞詔致祠焉
 又曰蜀賓國有鼠喙尖而尾赤能食蛇有被螫螫者鼠輒嗅而尿之其瘡立愈

後唐史曰清泰三年春有蛇鼠鬪于師子門外而鼠殺蛇晉史曰高祖即位之前一年歲在乙未鄴西李固橋下鼠與蛇鬪鬪及日之中蛇不勝而死行人顛者志之後唐果滅於甲
 周史曰太祖常寢柴后見五色小蛇入鼻觀聞心異之知其必貴敬奉愈厚
 戰國策曰昭陽為楚伐魏覆軍殺將移師攻齊陳軫為齊王使見昭陽曰楚有祠者賜其舍人酒一卮卮酒器也受四升卮章移切舍人相謂曰數人飲之不足一人飲之有餘請各畫地為蛇蛇先成者飲酒一人先成引酒且飲之乃左手持卮右手畫蛇曰吾能為之足為足未成一人蛇後成奪其卮曰蛇故無足子安能為之足遂飲其酒為蛇足者終亡其酒今公攻魏破軍殺將又將移師攻齊齊畏公甚戰勝不

知止猶為蛇足昭陽解軍而歸○孫子兵法曰善用兵者譬如率然率然常山之蛇也擊其首則尾至擊其尾則首至擊其中身則首尾俱至

慎子曰騰蛇游霧飛龍乘雲雲罷霧散與蚯蚓同

韓子曰昔黃帝合鬼神於西太山作為青角虎狼在前蟲

蛇伏後

又曰蠶似蛇而蠶似蠋音屬人見蛇則驚駭見蠋則毛起漁

者持蠶婦人拾蠶利之所在皆為賁諸

又曰鴟夷子皮事田成子成子去齊亡之燕鴟夷子皮負

傳而從至望邑曰子獨不聞涸澤之地乎澤涸將徒有小

蛇謂大蛇曰大地行而小蛇隨之人以為蛇之行者耳必

有殺子子不如相御負我以行人必以我為神也乃相負

越公道而行人皆避之今子美而我惡以子為我上客于

乘之君也以子為我使者萬乘之卿也不如為我舍人田

成子負傳而隨之至逆旅君待之甚敬因獻酒肉

淮南子曰越人得蚘蚘以為上肴中國得而棄之無用蚘

大蚘也其長數丈

又曰犧牛駢毛宜於牲其象以致雨不若黑尻黑尻黑色也屬也

潛於水神象能致雨也

又曰神蛇能斷而復屬而不能使人勿斷也

又曰昔容成氏之時道路鴈行而處容成黃帝時造歷者託嬰兒於

巢上致餘糧於畝首虎豹可尾蛇虺可蹶

又曰虎豹不可使綠木蝮蛇不可以安足

淮南萬畢術曰鳥喙蛇肝病病作不苦取鳥喙地肝各等治和丸如梧桐實

欲作吞一九不倦矣

抱朴子曰巳日山中稱寡人者社中蛇也

又曰或問隱居山澤治蝮蛇之道曰昔負丘多大蛇又生
 好藥黃帝將登焉廣成子教之佩雄黃而蛇去也今帶武
 都雄黃色如雞冠者五兩以入山林則不畏蛇蛇若中人
 以少許雄黃末傅之瘡中立愈
 又曰蛇類雖多唯有蝮蛇中人至急一日不治則殺人若
 不曉方術而為此蛇所中者但以刀割瘡肉投地其肉沸
 如火須臾燋盡而人得活也

山海經曰泰華山有蛇名曰肥遺六足四翼見則天下大
 旱

又曰巴蛇吞象三歲而出骨君子服之已心腹之疾今南
蛇吞鹿已爛目殺於樹腹中

又曰大同之山有蛇名曰長蛇其毛如豸其音如鼓柝
如鼓人擊柝聲音也

又曰鱗山多鳴蛇其狀如蛇四翼音如磬見則大旱

又曰黑齒人為黑齒有蛇一赤一青在其傍

又曰兩極為黑手各操一蛇

星經曰騰蛇二十二星在室北近河主蟲蛇

說苑曰齊景公獵上山見虎下澤見蛇問晏子曰此不祥

耶曰有賢不知知而不用用而不任此不祥耶山是虎室

澤是蛇窟何不祥乎

新序曰太子申生至靈臺蛇遶左輪御曰速得國之祥太

子遂不反伏劍而死

賈誼書曰昭文公出田前驅遂山前有大蛇其高如隄橫

道而處文公曰還車而歸其御曰臣聞祥則迎之妖則凌

之今前有妖請攻之公曰不可吾聞天子夢惡則脩道諸

侯夢惡則脩政大夫夢惡則脩身若是則禍不至今我有

失行而天戒以妖我若攻之是逆天令也乃歸齋宿而請
於廟退而脩政居三日夢天誅蛇曰爾何敢當聖君之路
文公覺令人視之蛇已魚爛矣新序
又曰孫叔敖之爲見出遊還憂而不食其母問其故泣而
對曰今且見兩頭之蛇恐死母問曰今蛇安在曰聞見兩
頭蛇者死恐他人復見之已殺而埋之母曰無憂汝不死
矣吾聞之有陰德者天報以福新序
列仙傳曰玄谷者自言河閒人餌巴豆雲母賣藥於都市
七丸一錢治百病河閒王病買服之下蛇十餘頭
酈善長水經注曰南鄉故城城南外舊有郡社柏樹大三
十圍蕭欣爲郡伐之言有大蛇從樹腹中墜下大數十圍
長三丈小蛇數十隨之入南山聲如風雨伐樹之前見夢
於欣欣不以厝意及伐之少日果死

又曰漢水又東合洛水水有二源合注壑於神蛇戌酉左
右山溪多五色蛇性馴良不爲物毒
又曰交州山多大蛇名曰蚺蚺長十丈圍七八尺常在樹
上伺鹿獸鹿獸過便低頭繞之有頃鹿死先濡令濕訖便
合頭角噉之骨皆鑽皮出山夷始見蛇不動時便以大竹
籤籤蛇頭至尾殺而食之以爲珍異故楊氏南裔異物志
曰蚺唯大蛇旣洪且長采色駁犖其文錦章食灰吞鹿腴
成養創賓享嘉宴是豆是觴言其養創之時助腴甚肥

太平御覽卷第九百三十三

